

# [Poesias]

Autor(en): **Solér, Gion Rest**

Objektyp: **Article**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **21 (1947)**

PDF erstellt am: **27.07.2024**

Persistenter Link: <https://doi.org/10.5169/seals-881436>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

---

Mintgin sto star en regla,  
Buc surpassar ils tiarms;  
Schiglioc tgiseins la nebla,  
Sludein or els sco viarms.

---

Mond nus a biala stiva,  
Manein nossas mattauns  
Cun tutta curtesia,  
Strihond bufatg ils mauns.

---

Nies sekelmeister plonscha  
Sur mintga falliment;  
Nies magistrat cuntonscha  
Gest strof cun truament.

---

Nus essan gests derschaders,  
Piglein tuts ferm a mauns,  
Cunzun sch'ei fussen laders  
De nossas bialas mattauns.

Nus vein zun bialas rosas;  
Lein quellas pertgirar;  
Neginas jastras hosas  
Dein quellas mai tuccar.

---

Nies gieger cun il fiffer,  
Quel duei oz brav sunar.  
È nus lein cun tut iffer  
Cun ellas led saltar.

---

Si camarads! Lein tuts saltar!  
Pernein mintgin la sia!  
Mein hopsers, slihers, hopsasa  
En legra compagnia!

---

Lein era beiver sanadad  
Dils mats e de matauns!  
E viver tgi che legher stat,  
Sei mattas u dunnauns.

---

## Il scheiver

Intraus ei il scheiver tier nus, lein cantar,  
Sper glas e buteglia lein oz giubilar.  
Andutgel, schambun, neunavon cul cunti,  
Vin alv e bier stgir, tgei vul ti aunc daplì.

Il giegieger pren plaz ed entscheiv' a sunar  
Triolas de valser el tact per saltar.  
Ils giuvens sepeinan e miran entuorn,  
Las giuvnas resentan sil sun giavinont.

Saltuns e saltunzas ei seglian en pei,  
Van vi e van neu e semeinan puspei,  
La casa tut strembla d'in tal rumbliar,  
Las miurs tementadas van spert sezuppar.

La gliעד ei tut stuorna, il scheiver sto rir,  
El tegn tuts si lev e vul nuota untgir.  
O scheiver, ti scheiver, ti tegns nus pil narr,  
Quitaus cun bahaitas fas ti emblidar.

Gion Rest Solér, Vrin

---

## Il zenn d' „Ave Maria“

Migeivel resuna il zenn schi bein,  
El tuna e cloma sonor, serein,  
Leventa mi' olma tier devoziun  
E porta dal Segner la benedicziun.

Ti audas, co'l cloma cun tun fervent,  
Jeu urel e roghel cun cor cartent:  
O mumma Maria, jeu vegnel tier tei,  
Diregia la via e spendra ti mei.

L'entira cultira, dal munt a val,  
Sesenta unida cugl Immortal.  
Sur senda e prada tiel tschiel steliu  
Igl «Ave Maria», el meina tier Diu.

Gion Rest Solèr, Vrin

## Salid al vitg patern

En Lumnezia val alpina  
Eis tschentaus miu vitg patern,  
Sin la spunda sulegliva  
Protegius dal Bab etern.

Aultas pezzas cheu sestendan  
Siadô en igl azur,  
Vivamein dals aults resplendan  
Ils glatschers en tarlischur.

Carezau hai tei adina  
E ti restas en miu cor,  
Pertgirau has mia tgina,  
Daventaus eis miu tresor.

Als babuns ti das avdonza,  
Il ruaus el tratsch schi car,  
Ferm sustegn lai mi' affonza  
Sin tiu tschespet er' anflar.

Ers e praus la val orneschan,  
En rudi els fan tschupi,  
Tut il pievel els nutreschan  
Cun il paun de mintga di.

Or' da tschiel sisu la pezza  
Mira giu sil vitg de Vrin  
'Gl egl de Diu, che maina stezza,  
El pertgira finadin.

Gion Rest Solèr, Vrin